

al alia(j) pli altranga(j) : *~leŭtenanto*, *~oficiro*; *~meti ribelantojn*. Kp vico. **3** Kaŝitecon, sekretecon aŭ hipokritecon de la ago : *~aŭskulti*, *~diri*, *~kompreni*; *~krii* (detene krietli); *~premi ridon*; *~ridi* Z (kaŝe ridi); *~rigardas* (spionas) *malvirtulo virtulon*, *k celas mortigi lin* Z; *~voĉe*.

subalterna Z. Dependanta de superulo k devigata obci ties ordonojn.

* **Subita**. Tute rapide k neatendite okazanta : *~a leruro* Z, *morto*; *neniam atendita* (io) *ofte venas ~e* Z; *~e fali*; *~e venos la pereco* Z. Kp ABRUPTA.

* **Subjekto**. **1** Temo, pri kiu oni pensas, parolas, skribas, verkas; pripensitaĵo, priparolitaĵo, pritraktaĵo : *tio estas la nuna ~o de ĉiuj konversacioj*; *~o de iu pentraĵo*. Kp OBJEKTO **3**. **2** (G) Persono aŭ objekto, kiu faras la agon aŭ suferas la staton esprimatan de la verbo. Kp PREDIKATO, OBJEKTO **5**, KOMPLEMENTO. **3** § La spirito, konsiderata kiel la konanto, kontraste kun la konataĵo. Kp OBJEKTO **6**.

Subjektiva. **1** Nur mensa, nur psika. **2** Arbitra, dependanta de individuaj plaĉoj. Kp OBJEKTIVA.

Subjunktivo (G). Verba modo ne ekzistanta en esp. k montranta, ke iu proponicio dependas de alia k ke iu ago estas konceptata kiel dependa de alia ago, do kiel duba k necerta. Kp VOLITIVO.

sublima N. **1** Belega, superbela. **2** Noblega, supernobla.

sublimi (tr) ☞. Pasigi korpon de solida stato direkte en la vaporan. *~o*. Ago *~i*. Kp SUBLIMATO.

* **Sublimato**. **1** Substanco vaporigita k poste ricevita en solida stato. **2** Hidrarga bikhlorido. HgCl².

Substanco. **1** Ĉiu speco de materio : *flueca, gasa, solida, metala ~o*. **2** § Tio, kio ekzistas per si mem k estas kialigita de si mem. **3** § Daŭra realaĵo konceptata kiel subportanta k unuiganta la ŝanĝigantajn fenomenojn perceptebajn per la sentumoj k kiel manifestiĝanta per ili.

* **Substantivo** (G). Vorto esprimanta personon, estulon, objekton, aferon aŭ ideon : *en esp. ĉiu ~o ricevas la finiĝon o*.

substitui Z (tr). Anstataŭigi ion per io alia.

substrato ☞. **1** la ajn realaĵo, substanco aŭ fenomeno, kiu ebligas la ekziston de alia, k kvazaŭ subportas ĝin. **2** (f) Bazo, fundamenta ideo de doktrino.

Subtila. **1** (io) Konsistanta el tre maldikaj k delikataj eretoj : *~a sablo, pluvo, polvo* Z, *pulvoro*. **2** (iu) Kapabla rimarki la plej delikatajn diferencojn k nuancojn : *~a spirito* (Kp SPRITA, SAGACA, PENTREMA). **3** (io) Esprimanta aŭ montranta plej delikatajn diferencojn k nuancojn : *~a respondo, elpenso*; *tio teorio estas vere tro abstrakta k tro ~a* (Vd CERBUMI, DISFENDI, DISSPLITIGI, HARO). **4** (io) Malfacile rimarkebla pro sia delikateco k neintenseco : *~a nuanco*.

subtrahi Z (tr) Δ. Celi, konante la sumon de du nombroj k unu el tiuj nombroj, trovi la alian.

Subvencio Z. Oficiala monhelpo.

* **Suĉi** (tr). Eltiri fluaĵon el io, alspirante per la buŝo : *la infano ~as la mamon de la patrino*; *la abeloj ~as la mielon el la floroj*; *~infano*; *en la ~infana periodo de nia lingvo* Z; (f) : *la radikoj ~as la subleran malsekajon*; *spongo en ~as akvon* Z; *en la aliternejo li en ~is liber-spiritan manieron de pensado* Z; *~o* (altiro) *de la pezoforto*. Kp SORBI, ĈERPI. *~igi*. Mamnutri : *~igantino* Z; *~igantaj bovinoj* Z. **El** ~i (tr). **1** Eltiri per alspirado de buŝo la tutan fluaĵon el io; elsekigi : *li alprenis la lipojn al la vundo k forte el ~is por eltiri la venenon*. **2** (f) Eltiri la tutan forton de iu aŭ io; tute senfortigi : *la maljuneco el ~is liajn fortojn*; *malbona sistemo ekonomia el ~as la landon* (Kp ELĈERPI). **3** (f) Tute senhavigi, senmonigi iun : *la loĝantaro estas el ~ita de la impostoj*. **El** ~a. Monĉerpa, multekosta : *el ~aj vojaĝkostoj, transportkostoj, impostoj* (Vd VAMPIRO).

* **Sudo**. **1** Parto de la tergloba kuŝanta ĝuste kontraŭdirekte al nordo. **2** Parto de iu lando, kiu troviĝas ĝuste kontraŭdirekte al nordo.

* **Suferi** (x). **1** Senti doloron fizikan aŭ moralan : *kapo pekas, piedoj ~as* Z; *eĉ muŝon li ne povas vidi ~i*; *~i de la varmo* Z, *pro varmo*; *~i de la suno* Z; *~i pro malvasteco de la loĝejo*; *~i de sojlo* Z; *~i malsalon* Z; *ni ambaŭ ~as la saman malsanon* Z; *la popolo ~is pro manko de*